

# **Ансорийлар ажр-савобнинг ҳаммасини олиб кетишиди**



20:00 / 13.05.2021 2215

Анасадан ривоят қилинади:

«Муҳожирлар:

«Эй Аллоҳнинг Расули! Ансорийлар ажр-савобнинг ҳаммасини олиб кетишиди», дейишиди.

«Йўқ, ундай эмас. Сиз уларнинг ҳаққига дуо қилиб турсангиз ва уларга мақтов айтиб турсангиз, ундай бўлмайди», дедилар».

*Шарҳ:* Ансорийлар муҳожирларга инсоният тарихида мисли кўрилмаган яхшилик қилишди. Ҳижрат қилиб келганларида уларни очик қалб билан кутиб олдилар, уй-жой, озиқ-овқат, кийим-кечак билан таъминладилар.

Ансорийлар муҳожирларнинг барча эҳтиёжларидан хабар олиб туришган, уларга уйларининг ярмини бўлиб беришган. Ҳатто баъзи ансорийларнинг иккита хотини бўлса, «Эй биродар, хотинларимдан бирини танла, мен талоқ қиласай, сен унга уйлангин», дейилган ҳолатлар ҳам бўлган.

Инсоният тарихида ҳеч бир қавм ансорийлар муҳожирларга қилган яхшиликни қилмаган. Ана шундай улуғ амалларни қилган ансорийларни кўриб, муҳожирлар «Ансорийлар ажр-савобнинг ҳаммасини олиб кетишиди», деган фикрга боришган ва буни Расулуллоҳ соллаллоҳу алайҳи

vasallamga izxor қилишган.

Шунда Набий соллаллоху алайҳи vasallam:

«Йўқ, ундан эмас. Сиз уларнинг ҳаққига дуо қилиб турсангиз ва уларга мақтov айтиб турсангиз, ундан бўлмайди», деб жавоб берганлар.

Шунинг учун бирор яхшилик қилса, ҳеч бўлмагандан унинг ҳаққига дуо қилган одам ҳам савоб олар экан. Бу нарса Ислом маданиятининг намуналаридан биридир. Чунки одамларга шукр қилмаган одам Аллоҳ таолога ҳам шукр қilmайди. Бу амал жамият аъзолари ўртасидаги ўзаро алоқаларнинг мустаҳкамланишига ҳам омил бўлади.

**«Одоблар хазинаси» китоби асосида тайёрланди**